

張氏拙軒集

欽定四庫全書

張氏拙軒集卷三

宋張侃撰

詩

梅

江梅有遠韻不與世浮沈
誦我壁間句知渠歲晚心
疎花生古意暖艷啁幽禽
此處知誰解霜天啓角音

時雨三首

旬日風消雨今朝
山出雲柳深開潤色
荷靚匝清芬江

燕新調語沙鷗自引羣農人相賀語田畝可耕耘
時雨催農事庭陰散午涼地寬平野色雲密闥林光送
目孤村外舒情小艇旁斜暉猶返照何必問商羊
矮屋原卑濕頽牆上古苔世間多少事眼下兩三杯詩
卷無人惜涼船有客來明朝梅已斷只是一聲雷

游西湖李氏園池

湖水平春色名園接杳微輕風生翠影細雨醒香霏意
足休嫌野身閒不受機隔舟多妓女歌逐片雲飛

歸鴈亭逢所知

歸鴈亭前別于今又五年水深涵落日春晚尚餘妍把
酒聽吳曲浮家入楚天秋風遞消息為問有書傳

黃龍洞

傳道黃龍穴深歲不測淵翠藤依壽木石壁隔塵緣恐
有神仙分來觀古洞天善權知不遠雙鶴舞胎仙

何道兩山

兩山青不盡吾眼未曾經問法維摩室留名處士星地

深藏白霧天遠納蒼冥我亦倦游者何時結草亭

秀州城外

月色明于晝閒登百步橋天低雲宿野地遠水通潮吹
笛回賓鴈彎弓絆落鵑年來無片善所得是風標

初秋夜坐

酷暑秋仍有臨流興未忘好風吹過雨午夜得新涼促
織聲偏細春鋤立自雙人生隨處好最好是家鄉

夜深天籟息露重月華新此去何須懶從來只任真入

秋山有色積雨水生粼萬事乘除耳一樽聊可親

雨

傍海風先冷殘秋雨漸疎柳凋閒搏黍水淨見春鋤游
客惟筇竹民家半草居近時潮候訊玉筍當園蔬

明心院

村東古蘭若門徑久荒涼鶴舞風幡小蛩吟露葉黃潮
音隨法轉茗盃怕詩忙一片牆根石無人為發揚

嘲絡緯

時序方中伏簷前絡緯鳴涼風雖暫至秋氣未全清荷
葉綠偏斷芙蓉錦漸成勸渠莫多事促織又司衡

中夜起坐納涼

風迅中宵起簷虛入戶涼一輪明月影八尺綠筠牀久
望重梅雨間尋晚芰香天河漸分曉結語問牛郎

趙紫芝詩卷

天樂無他好精神盡在詩墓巖山色遠語到水心知名
極天還妬身亡道自垂勿嫌官職小君復鶴相隨

周晉仙詩卷

晉仙新寺住曉夕在吟邊相去二三里聞名五七年西
湖聽鴈夜雪水釣魚天語逸山精泣宜為萬古傳

柳下詩卷

退之名振世無本肯從游既以吾儒重方知異說休不
才空剩語馳譽勝荒丘朴老深于律遺篇處處留

偶成

細雨遲春色閒雲接曉天清時依薄宦秀句近華牋地

冷梅枝少川明竹影圓
翻思年少日折柳繫漁船

花事

立春踰十日猶未見芳菲
雲葉垂垂滿簷絲緩緩飛
池魚寒未上林鴈暖方歸
因靜無思慮由人論瘠肥

芍藥

春意垂垂盡名花續續開
誰知傾國色元未著香埃
曾向蕪城見還驚茗水來
貪看詩律細忘覆掌中杯

春盡

韶光餘十日明歲又重來柳外黃鸝怨山中杜宇催一
番風送雨幾處錦成堆且飲深杯酒攜筇緩緩回

隱者

山蹊通綫道舊有隱人居生計多歲半秋盤近薦魚簷
牙松得壽籬角草堪鋤只欲逢熙運誰能更上書

雨後

雨後秋容釋雲游日色微遠山依舊瘦汙水已新肥燕
子稀踈舞螢光冷淡飛官閒清到骨無是亦無非

秋色

野闊因秋見山高入霧微曉看天色暝午更宿陰園有
地堪容隱無言且息機為知閒處好不是厭輕肥

夜宿

舟宿隄邊寺天虛露氣清秋從今夜冷月比舊時明水
鳥紛紛下墟煙冉冉輕田家生計好不逐世間名

家園夜月

荒畦多古木月送影婆娑須信閒中好翻嫌塵事多簷

低排遠岫堂近俯清波夜靜頻來往漁樵互奏歌

來鴈

雲外新來鴈風回字倒看深知吳地暖生怕塞天寒水
國沙汀遠西疇稻粒殘排羣宜穩睡報夜喜平安

宵征

澗遠泉聲激山回月影重宵征滿涼意曉色帶秋容衣
薄初霑露橋陰久傍松茅簷因雨濕催織是鳴蛩

伯牙瀆

古賢真好事，瀆以伯牙名。岸轉天無盡，春回草漸榮。當年流水曲，今日賦詩情。可惜知音少，令人恨未平。

張涇漚

我閒尋勝槩，人自號荒郊。木老含生意，橋迂接水坳。浴鳬歸艇集，戲蝶野花梢。汎宅吾宗遠，虛勞歎繫匏。

穀日

姬旦陳王業，農官報歲功。新晴春滿野，宿霧曉披空。賣卜煩鄰叟，知時訪老翁。更須圖夕雨，土脉盡豐融。

欲識田家趣清溪曲抱村齊民當日術學稼古人言瑞
實歸千室餘功到小園元機亭育際始見道尤尊

夜宿育王莊北窻

破壁排矮窻新篁出粉牆開尊侵綠色得雨借初涼名
保千年在身安萬念忘詩情亦漫興何暇細商量

再用韻促李文結水邊亭

一朝飛驥足十載歎龜藏臨水軒亭好逢人笑語涼須
先心地遠莫厭斧聲忙未數漳南景裁詩拂蘚蒼

宋劉
繪張

融周顒一時勝士居皆連牆故朝野為之語曰三人共
宅夾清漳張南周北劉中央舜卿與朱季文盧子長並
居故云

寄題富沙倅解靜涼亭詩

南中多暑氣來覓靜涼詩但得政無擾自然民不欺亭
中人蘊藉欄外水漣漪想見賓朋過銜杯樂聖時

和朱季文即事

種竹多臨水山隨雲影藏夏深元有暑秋淺未全涼箇
箇飛螢入雙雙歸燕忙幾年觀物理不復叩員蒼

將歸

將歸浮小艇水色綠添痕楊柳迷低岸鶯花滿舊園日
長迎雨燕沙暖起風鴛眼界須當闊臨溪築小軒

歲晚

水斂風生壑雲深雪滿天寒光憐袖薄瑞色向梅妍淺
酌生春酒犇牛酒名閒賡餽歲篇吹燈看家信獨步到牕前

拙軒偶書三首

歸來開一室復以拙為名道在何妨小身閒不用榮柳

卷三
絲愁斷續花靨笑輕盈只此觀天運逢時物自成
廊深人罕到益友兩三人得意文章妙相忘情味真蜂
來窺硯水燕去潤香芹如此逍遙過胸中無點塵
侵晨門外立山色已浮春斫竹流溪水提籃擇細鱗柳
濃將作絮梅小未生仁自拆紅泥酒歌呼到北鄰

足軒詩

人爵何須戀脩然郭外居隨緣常二滿散帙富三餘
石梅花賦堆庭柿葉書呼兒邀客至反櫂或巾車